

REGLUGERÐ

um stjórn botnfiskveiða 1986.

I. KAFLI

Heildaraflí.

1. gr.

Árið 1986 skulu leyfi til botnfiskveiða miðast við að afli úr helstu botnfisktegundum verði:

1. þorskur	300 þús. lestir
2. ýsa	60 þús. lestir
3. ufsi	70 þús. lestir
4. karfi	100 þús. lestir
5. grálúða	30 þús. lestir

Afli samkvæmt ofangreindu miðast við óslægðan fisk með haus.

II. KAFLI

Flokkar fiskiskipa.

2. gr.

Samráðsnefnd skal með hliðsjón af veiðum skipa á árinu 1985 flokka öll íslensk fiskiskip í útgerðarflokka. Við flokkun skipa skal samráðsnefnd einnig taka tillit til veiðiheimilda skipa á árinu 1986. Útgerðarflokkar eru þessir:

1. Togarar.
2. Bátar án sérveiðiheimilda.
3. Síldarbátar.
4. Humarbátar.
5. Humar- og reknetafátar.
6. Rækjubátar.
7. Skelfiskbátar.
8. Loðnuskip.

Við flokkun skipa í útgerðarflokk 2, bátar án sérveiðiheimilda, skulu fiskiskip stærri en 100 brl., sem eingöngu stunda fiskveiðar með vörpu, flokkuð sérstaklega varðandi sóknardagafjölda.

Sé við ákvörðun þorskaflahámarks, miðað við stærðir báta, skulu fiskiskip flokkuð þannig:

1. Bátar	10 brl. til og með 20 brl.
2. Bátar	stærri en 20 brl. til og með 50 brl.
3. Bátar	stærri en 50 brl. til og með 90 brl.
4. Bátar	stærri en 90 brl. til og með 110 brl.
5. Bátar	stærri en 110 brl. til og með 200 brl.
6. Bátar	stærri en 200 brl. til og með 500 brl.
7. Bátar	stærri en 500 brl.
8. Togarar	stærri en 200 brl. til og með 500 brl.
9. Togarar	stærri en 500 brl.

Við stærðarflokkun fiskiskipa er miðað við mælingarbréf Siglingamálastofnunar ríkisins, sem gildir við útgáfu reglugerðar þessarar. Sama gildir sé miðað við lengd skips.

Við ákvörðun þorskaflahámarks fyrir flokk 8, togara 200—500 brl., skal það metið sérstaklega fyrir togara 39 metra og styttri annars vegar og hins vegar fyrir togara lengri en 39 metrar. Miðað skal við mestu lengd skipsins.

Við ákvörðun þorskaflahámarks fyrir flokk 8 og 9 skal landinu skipt í tvö veiðisvæði:

Svæði 1: Frá Eystra-Horni vestur og norður um að Látrabjargi.

Svæði 2: Frá Látrabjargi norður og austur um að Eystra-Horni.

Við svæðaflokkun togara skal miða við verstöð sem togari er gerður út frá þegar reglugerð þessi öðlast gildi. Frystiskip er flaka eigin þorskafla um borð skulu við ákvörðun þorskaflahámarks teljast til svæðis 1 hvaðan sem þau eru gerð út.

Heimilt er að víkja frá ofangreindum ákvæðum um mörk veiðisvæða sé það nauðsynlegt vegna sérstöðu veiðiskips.

III. KAFLI

Aflamarksskip.

3. gr.

Aflamarksskipi skal úthlutað aflamarki fyrir eftirgreindar fisktegundir: þorski, ýsu, ufsa, karfa og grálúðu.

Aflamark hvers skips skal greint í heilum tonnum og er miðað við slægðan fisk með haus, að karfa undanskildum.

Þegar breyta skal óslægðum fiski í slægðan skal margfalda þorsk, ýsu og ufsa með tölunni 0.80 en grálúðu með tölunni 0.92.

Þegar breyta skal slægðum fiski í óslægðan skal margfalda þorsk, ýsu og ufsa með tölunni 1.25 en grálúðu með tölunni 1.09.

Ráðuneytið skal ákveða þann stuðul, sem notaður skal til útreikninga á aflamarki skipa, sem vinna eigin afla um borð.

Þorskur og ufsi smærri er 50 cm, ýsa smærri en 45 cm og karfi innan við 500 g telst ekki með í aflamarki skips. Miðað skal við matsnótur Ríkismats sjávarafurða við útreikning samkvæmt þessari málsgrein.

Við línuveiðar í janúar, febrúar, nóvember og desember reiknast 50% aflans ekki til aflamarks fiskiskips, en réttur línuskips til framsals skerðist sem svarar öllum línuaflla þess á þessum tímabilum.

Grálúða veidd á línu frá 1. júní til 31. ágúst, telst ekki hluti af aflamarki skips.

Allur aflfi, af framangreindum tegundum án tillits til stærðar sem fluttur er óunninn á erlendan markað á árinu 1986 reiknast til aflamarks og þorskaflahámarks með 10% álagi.

IV. KAFLI

Sóknarmarksskip.

4. gr.

Veiðileyfi með sóknarmarki er veitt með því skilyrði, að sóknardagar fari ekki fram úr tilgreindum fjölda á ákveðnu tímabili, sbr. 8 gr. og þorskaflfi ekki yfir ákveðið hámark.

5. gr.

Sóknarmark hefst þegar skip heldur úr löndunar- eða heimahöfn til veiða og lýkur þegar skip kemur í höfn með veiðarfæri innanborðs til löndunar afla, enda haldi það ekki úr höfn til veiða aftur fyrr en liðnir eru a. m. k. þrjú sólarhringar.

Sigli skip með eigin afla til löndunar á erlendum mörkuðum telst sá tími, sem fer til siglingar út, til sóknarmarks.

6. gr.

Útgerð sóknarmarksskips, skal tilkynna Fiskifélagi Íslands eigi síðar en 3 dögum eftir lok hvers mánaðar, á þar til gerðu eyðublaði, hvaða daga viðkomandi skip hefur nýtt til sóknar á tímabilinu. Ennfremur er skylt að skila aflaskýrslum skv. 12. gr.

Frávik allt að þremur dögum er heimilt með samþykki ráðuneytisins að færa milli tímabila. Fari slík frávik fram úr þremur dögum um einn eða tvo daga reiknast þeir tvöfaldir til frádráttar á næsta tímabili. Frávik umfram fimm daga teljast brot á reglum þessum.

Heimilt er með samþykki ráðuneytisins að færa milli tímabila allt að fjóra af hverjum fimm sóknardögum, sem ekki hafa nýst til fiskveiða, enda hafi skip orðið að liggja í höfn a. m. k. fimmtán daga vegna meiriháttar bilana. Útgerðaraðili skal sækja skriflega til ráðuneytisins um slíka yfirlæsi daga milli tímabila.

7. gr.

Sóknarmarksskipi er á árinu 1986 óheimilt að veiða meira magn af þorski en tilgreint er í töflu í 2. mgr. þessarar greinar eða sem svarar þorskaflahámarki þess samkvæmt ákvæðum laga um stjórn fiskveiða 1986—1987.

Þorskaflahámark sóknarmarksskipa er sem hér greinir fyrir hvern stærðar-, útgerðar- og veiðisvæðaflokk fiskiskipa. Miðað er við slægðan þorsk með haus.

Útgerðarflokkur 1, togarar:

	Svæði I	Svæði II
39 metrar og styttri:	650 lestir	1050 lestir
Stærri en 200 brl.:	1150 lestir	1750 lestir

Útgerðarflokkur 2, bátar án sérveiðiheimilda:

Stærri en 10 brl. til og með 20 brl.:	120 lestir
Stærri en 20 brl. til og með 50 brl.:	210 lestir
Stærri en 50 brl. til og með 90 brl.:	350 lestir
Stærri en 90 brl. til og með 110 brl.:	370 lestir
Stærri en 110 brl. til og með 200 brl.:	460 lestir
Stærri en 200 brl.:	520 lestir

Útgerðarflokkur 3, síldarbátar:

110 brl. og minni:	350 lestir
Stærri en 110 brl.:	460 lestir

Útgerðarflokkur 4, humarbátar:

50 brl. og minni:	120 lestir
Stærri en 50 brl. til og með 90 brl.:	250 lestir
Stærri en 90 brl.:	270 lestir

Útgerðarflokkur 5, humar- og reketabátar

90 brl. og minni:	320 lestir
Stærri en 90 brl.:	340 lestir

Útgerðarflokkur 6, rækjubátar:

10 brl. til og með 20 brl.:	50 lestir
Stærri en 20 brl. til og með 50 brl.:	90 lestir
Stærri en 50 brl.:	120 lestir

Útgerðarflokkur 7, skelbátar:

10 brl. til og með 20 brl.:	40 lestir
Stærri en 20 brl. til og með 50 brl.:	60 lestir
Stærri en 50 brl. til og með 90 brl.:	120 lestir
Stærri en 90 brl. til og með 110 brl.:	140 lestir
Stærri en 110 brl.:	170 lestir

Varðandi útgerðarflokka 6 og 7 er heimilt að víkja frá ákvæðum 2. mgr. um þorskafla-hámark og ennfremur ákvæðum 8. gr. um sóknardagafjölda, sé það talið nauðsynlegt vegna breytinga í aflatekjum af sérveiðum.

Við línuveiðar í janúar, febrúar, nóvember og desember reiknast 50% þorskaflans ekki til þorskaflahámarks.

8. gr.

Í töflu hér á eftir er tilgreindur fjöldi sóknardaga á einstökum tímabilum samkvæmt flokkun veiðiskipa í II. kafla:

Útgerðarflokkur 1, togarar.

Tímabil 1	Tímabil 2	Tímabil 3	Tímabil 4	Samtals
Jan.-feb.	Mars-apríl	Maí-ágúst	Sept.-des.	
44	48	88	90	270

Útgerðarflokkur 2, bátar án sérveiðiréttinda.

Tímabil 1	Tímabil 2	Tímabil 3	Tímabil 4	Tímabil 5	Samtals
Jan.-feb.	Mars.-apríl	Maí-ágúst	Sept.-okt.	Nóv.-des.	
35	45	70	40	30	220

Útgerðarflokkur 2, togbátar, sbr. 2. mgr. 2. gr.

Tímabil 1	Tímabil 2	Tímabil 3	Tímabil 4	Samtals
Jan.-feb.	Mars-apríl	Maí-ágúst	Sept.-des.	
40	45	80	80	245

Útgerðarflokkur 3, síldarbátar.

Tímabil 1	Tímabil 2	Tímabil 3	Tímabil 4	Samtals
Jan.-feb.	Mars-apríl	Maí-okt.	Nóv.-des.	
35	45	65	25	170

Útgerðarflokkur 4, humarbátar.

Tímabil 1	Tímabil 2	Tímabil 3	Tímabil 4	Tímabil 5	Samtals
Jan.-feb.	Mars-apríl	Maí-júní	Júlí-okt.	Nóv.-des.	
35	45	10	45	25	160

Útgerðarflokkur 5, humar- og reknetabátar.

Tímabil 1	Tímabil 2	Tímabil 3	Tímabil 4	Tímabil 5	Samtals
Jan.-feb.	Mars-apríl	Maí-júní	Júlí-okt.	Nóv.-des.	
35	45	10	30	15	135

Útgerðarflokkur 6, rækjubátar.**Suður- og Vesturland.**

Tímabil 1	Tímabil 2	Tímabil 3	Tímabil 4	Samtals
Jan.-feb.	Mars-apríl	Sept.-okt.	Nóv.-des.	
30	40	30	15	115

Vestfirðir, Norðurland.

Tímabil 1	Tímabil 2	
Apríl-maí	Júní-okt.	Samtals
40	65	105

Útgerðarflokkur 7, skelbátar.

Tímabil 1	Tímabil 2	
Mars-apríl	Maí-ágúst	Samtals
30	45	75

Engar takmarkanir eru á fjölda sóknardaga hjá línuveiðiskipum í janúar, febrúar, nóvember og desember.

Stundi skip grálúðuveiðar með línu innan tímabilsins 1. júní til 31. ágúst, teljast þeir dagar sem nýttir eru til grálúðuveiða, ekki sem hluti sóknardaga.

9. gr.

Netaveiðar báta undir 10 brl. eru á tímabilinu 10. febrúar til og með 15. maí heimilaðar í 65 daga með 80 lesta þorskaflahámarki.

V. KAFLI

Ýmis ákvæði.

10. gr.

Skylt er að hirða og koma með að landi allan fisk af eftirtöldum tegundum, sem fæst í veiðarfæri fiskiskipa: þorskur, ýsa, ufsi, karfi, skarkoli, grálúða og steinbitur.

11. gr.

Skipstjóra er skylt að halda fiski um borð í veiðiskipum aðgreindum eftir tegundum, sbr. 10. gr. Ennfremur er honum skylt að láta meta og löggilta vigtarmenn vigta hverja tegund sérstaklega. Skal þyngd hverrar tegundar skráð á matsnótur Ríkismats sjávararafurða.

12. gr.

Útgerðaraðilum veiðiskipa, skipstjórnum og kaupendum er skylt að senda Fiskifélagi Íslands skriflegar upplýsingar um afla og aflasamsetningu í ákveðinni veiðiferð eða yfir ákveðið tímabil og um úthald og sjósókn á ákveðnu tímabili á eyðublöðum sem Fiskifélag Íslands leggur til.

13. gr.

Óheimilt er að framselja botnfiskaflamark þeirra loðnuskipa sem rækjuveiðileyfi fá á árinu 1986.

Réttur til þess að framselja botnfiskaflamark annarra skipa, sem leyfi hafa til úthafs-rækjuveiða árið 1986 og frysta afla um borð, skerðist um jafnmörg tonn af þorski og nemur hálfri þyngd óskelfletts rækjuafra skipsins það ár. Skerðing þessi skiptist á botnfisktegundir miðað við þorskígildi, sbr. 15. gr. í sömu hlutföllum og aflamark.

14. gr.

Á árinu 1986 skulu loðnuskip aðeins eiga kost á botnfiskveiðileyfi með aflamarki. Lækka skal botnfiskaflamark hvers loðnuskips frá því sem annars hefði orðið um jafn mörg tonn af þorski og nemur 0,5% af þyngd úthlutaðs loðnukvóta á loðnuvertíðinni 1985/1986. Lækkunin skiptist á botnfisktegundir miðað við þorskígildi, sbr. 15. gr. í sömu hlutföllum og aflamark.

15. gr.

Við útreikning á takmörkun á rétti til framsals skv. 2. mgr. 13. gr. og lækkun aflamarks loðnuskípa skv. 14. gr., skal miða við þorskígildi skv. leyfisbréfi til botnfiskveiða. Þegar þorskígildi er reiknað skal miðað við eftirfarandi verðmætishlutföll: þorskur 1.00. ýsa 1.00. ufsi 0.45. karfi 0.50. grálúða 0.58.

16. gr.

Ráðuneytið getur sett nánari reglur um framkvæmd reglugerðar þessarar.

17. gr.

Brot á reglugerð þessari varða viðurlögum samkvæmt ákvæðum laga nr. 97, 20. desember 1985, um stjórn fiskveiða 1986—1987. Með mál út af brotum skal farið að hætti opinberra mála.

18. gr.

Reglugerð þessi er sett samkvæmt ákvæðum laga nr. 97, 20. desember 1985, um stjórn fiskveiða 1986—1987, til þess að öðlast þegar gildi og koma til framkvæmda 1. janúar 1986 og birtist til eftirbreytni öllum þeim sem hlut eiga að máli.

Sjávarútvegsráðuneytið, 27. desember 1985.

Halldór Ásgrímsson.

Árni Kolbeinsson.

AUGLÝSING

um umferð í Keflavík.

Að fengnum tillögum bæjarstjórnar Keflavíkur og skv. 65. gr. umferðarlaga nr. 40/1968 eru hér með settar eftirgreindar reglur um umferð í Keflavík:

Stöðvunarskylda skv. 4. mgr. 48. gr. umfl. í stað biðskyldu nú, verður á Vesturgötu beggja vegna Hringbrautar.

Eyjavellir njóta aðalbrautaréttar gagnvart Norðurvöllum (biðskylda).

Iðavellir njóta aðalbrautaréttar gagnvart Aðalgötu (biðskylda).

Aðalgata nýtur aðalbrautarréttar gagnvart Heiðarbrún og Fagragarði (biðskylda).

Heiðarbraut nýtur aðalbrautarréttar gagnvart Heiðarhvammi, Heiðarbakka og Heiðarholti að austan (biðskylda).

Biðskylda í stað stöðvunarskyldu nú verður á hægri beygju af Skólavegi vestanverðum suður Hringbraut.

Bifreiðastöður eru bannaðar á sunnanverðri Faxabraut frá Hringbraut að Sunnubraut.

Reglur þessar taka gildi 1. janúar 1986.

Lögreglustjórinn í Keflavík, 11. desember 1985.

Guðmundur Kristjánsson,

e.u.